



Broj:11-16-4-1282-14/23
Sarajevo, 22.02.2024. godine

Na osnovu Odluke o prodaji automobilske furde (sekundarnih sirovina) nastale rashodovanjem m/v OS BiH broj: 11-16-4-1282-13/23 od 22.01.2024. godine i članovima 122. i 124. Pravilnika o finansijskom i materijalnom poslovanju u MO i OS BiH broj: 12-02-3-3954/16 od 29.09.2016. godine, Ministarstvo odbrane Bosne i Hercegovine, objavljuje,

JAVNI OGLAS

**za prodaju automobilske furde (sekundarnih sirovina) nastale rashodovanjem m/v
Oružanih snaga Bosne i Hercegovine
(metodom zatvorenih pisanih ponuda)**

1. PREDMET JAVNOG OGLASA

Predmet javnog oglasa je **prodaja - licitacija** automobilske furde (sekundarnih sirovina) nastale rashodovanjem 143 m/v Oružanih snaga Bosne i Hercegovine (u daljem tekstu: „automobilske furde“), koja se nalaze na 16 lokacije OS BiH, metodom prikupljanja zatvorenih pisanih ponuda, prema specifikaciji datoj u prilogu broj: 1, ovog oglasa (objava na www.mod.gov.ba).

Procijenjena okvirna količina automobilske furde iznosi 525.225,00 kg.

Početna prodajna cijena automobilske furde u viđenom stanju iznosi 0,36 KM po jedinici mjere (kilogramu), bez PDV-a.

2. PRAVO UČEŠĆA

2.1. Automobilska furda koja je predmet javnog oglasa, prodaje/licitira se zbirno (po lokacijama OS BiH), ponuđaču koji je ponudio najvišu cijenu za automobilsku furdu u viđenom stanju po jedinici mjere (kilogramu), bez PDV-a.

2.2. Pravo učešća na prodaji/licitaciji imaju sva fizička i pravna lica koje izvrše uplatu kaucije u iznosu od 10 % vrijednosti početne cijene za ukupnu količinu koja je predmet prodaje i za koju dostavljaju ponudu, što iznosi 18.908,00 KM (slovima: osamnaesthiljadadevetstotinaosam i 00/100 KM)

2.3. Uplata kaucije se vrši uplatom na glavni budžetski račun kod Centralne banke BiH broj 0000030000000145.

Prilikom uplate kaucije na pomenuti račun, navesti sljedeće podatke koji se odnose na bankovni račun za uplatu sredstava:

- Primalac: Ministarstvo finansija i trezora BiH
- Transakcijski račun broj: 0000030000000145
- Poziv na broj: 37111

- Svrha uplate: Javno nadmetanje-licitacija u Ministarstvu odbrane BiH – za automobilsku furdu.

2.4. Zaposleni u Ministarstvu odbrane/Oružanim snagama BiH i članovi njihovih užih porodica nemaju pravo učešća na licitaciji.

3. PREGLED AUTOMOBILSKE FURDE

3.1. Automobilska furda može se pogledati na sljedećim vojnim lokacijama: Rajlovac-Sarajevo, Butila-Sarajevo, TBT Visoko, Pazarić-Hadžići, Čapljina, Livač-Mostar, Kozara-Banja Luka, Aerodrom Mahovljani, Derventa, VB Dubrave-Tuzla, Bijeljina, Stojkovići-Novi Travnik, Glamoč, TROM-Doboj, Orašje, i Žepče, od 20.03.2024. godine do 03.04.2024. godine, u vremenu od 09,00 do 13,00 sati.

3.2. Kontakt lica su navedena u tabelarnom pregledu m/v za prodaju, prilog broj 1.

4. ROK I NAČIN DOSTAVLJANJA PONUDE

4.1. Ponude se dostavljaju na Protokol Ministarstva odbrane BiH (kancelarija br. 81), Ulica Hamdije Kreševljakovića 98, 71000 Sarajevo, lično ili putem preporučene pošte. U razmatranje će se uzeti ponude koje budu dostavljene na Protokol Ministarstva odbrane BiH u roku od dana objavljivanja javnog oglasa u dnevnim novinama „Oslobođenje“, „Večernji list“ i „Glas Srpske“, a najkasnije 08.04.2024. godine do 11,00 sati. Nepotpune i ponude dostavljene nakon navedenog roka, bez obzira na način dostave neće se uzimati u razmatranje.

4.2. Ponudu treba dostaviti u jednoj zatvorenoj (neprovidnoj) koverti na kojoj treba napisati: „Ponuda za prodaju automobilske furde putem javne prodaje/licitacije“, „Ne otvarati“.

4.3. Jedan ponuđač može dostaviti samo jednu ponudu.

4.4. Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, sa obaveznom naznakom da se radi o izmjeni ili dopuni ponude. Ponuđač može u istom roku odustati od svoje ponude, dostavljanjem prodavcu pisane izjave. Pisana izjava se dostavlja na isti način kao i ponuda, sa naznakom da se radi o odustajanju od ponude. U tom slučaju ponuda će biti vraćena ponuđaču neotvorena.

5. SADRŽAJ PONUDE

Ponuda treba da sadrži :

- **Podatke o fizičkom licu:** (ime i prezime, ime jednog roditelja, adresa prebivališta i broj telefona, kopija identifikacionog dokumenta – ovjerena kopija, potvrda o transakcijskom računu od banke kod koje fizičko lice ima otvoren račun).

- **Podatke o pravnom licu:** (naziv pravnog lica, adresa i broj telefona, potpis ovlaštene osobe i pečat, ime lica ovlašćenog za zastupanje u postupku licitacije, rješenje o upisu u sudski registar ne starije od tri mjeseca ovjereno od strane nadležnog organa, potvrda o transakcijskom računu od banke kod koje pravno lice ima otvoren račun);

- iznos ponude iskazan u konvertibilnim markama (KM);
- dokaz o uplati kaucije;
- ponudu mora potpisati podnosilac ponude, a ukoliko je ponuđač pravno lice, mora biti potpisana i ovjerena pečatom pravnog lica.

6. KRITERIJ PRODAJE/LICITACIJE I IZBOR NAJPOVOLJNIJE PONUDE

- 6.1. Izbor najpovoljnijeg ponuđača, izvršiće se komisijski.
- 6.2. Otvaranje ponuda će se obavljati redom, kako su prispjevale.
- 6.3. Ponude ispod početne prodajne cijene iz tačke broj 1, neće biti uzete u razmatranje.
- 6.4. Najpovoljnijom ponudom smatraće se ponuda s najvišim ponuđenim iznosom.
- 6.5. Automobilska furda prodavaće se po principu „viđeno-kupljeno“, što isključuje sve naknadne reklamacije i prigovore kupca upućene prodavcu po pitanju kvaliteta ili eventualnih nedostataka.

7. POSTUPAK PRODAJE I OTVARANJE PONUDA

- 7.1. Otvaranje dostavljenih ponuda za prodaju/licitaciju automobilske furde, održaće se u Sarajevu u zgradi MO BiH u Ulici Hamdije Kreševljakovića broj 98, dana 02.04.2024. godine sa početkom u 12,00 sati, uz prisustvo zainteresovanih ponuđača.
- 7.2. Otvaranju dostavljenih ponuda mogu prisustvovati ponuđači – fizička lica koja su dostavila ponudu, uz identifikacioni dokument i dokaz o uplaćenju kauciji, odnosno lica ovlaštena za učešće na javnoj licitaciji u ime pravnog lica uz pismeno ovlaštenje i dokaz o uplaćenju kauciji.
- 7.3. Predsjednik Komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj ponude po prispjelosti, ponuđeni iznos, prihvatljivost ponude.
- 7.4. Ponude koje ne sadrže elemente propisane u tački 5. neće se razmatrati u daljem postupku prodaje.
- 7.5. Komisija, nakon razmatranja liste ponuđača, utvrđuje najpovoljniju ponudu, o čemu usmeno obavještava prisutne ponuđače. Predsjednik komisije proglašava pobjednika javne prodaje koji je dostavio prihvatljivu ponudu.
- 7.6. Ako se na poziv odazove samo jedan ponuđač sa prihvatljivom ponudom, komisija ga proglašava pobjednikom prodaje/licitacije.
- 7.7. U slučaju da dva ili više ponuđača u zatvorenim kovertama/omotnicama dostave ponudu s istim iznosom, koji je ujedno i najviši ponuđeni iznos, komisija će proglasiti pobjednikom ponuđača koji je ranije dostavio ponudu po vremenu i datumu prijemnog štembilja Ministarstva odbrane BiH.
- 7.8. O javnom otvaranju ponuda komisija će sačiniti zapisnik i utvrditi listu ponuđača koji su ponudili cijenu koja je jednaka ili veća iznad početne cijene i konstatovati koji su ponuđači ponudili najveću cijenu. Nakon proglašenja pobjednika za sredstva koja su predmet prodaje, komisija će zapisnik –listu pobjednika uputiti na javnu objavu na zvaničnoj veb stranici Ministarstva odbrane BiH (www.mod.gov.ba).
- 7.9. S odabranim ponuđačem Ministarstvo odbrane BiH će zaključiti kupoprodajni ugovor u roku od 7 (sedam) dana po završetku postupka javne prodaje i istom će biti vraćen uplaćeni depozit po dostavljanju dokaza o uplati ugovorenog iznosa, na način kao što je definisano u tački 9.2.
- 7.10. U slučaju izostanka sklapanja ugovora o kupoprodaji s odabranim ponuđačem shodno uslovima iz oglasa, ugovor o kupoprodaji zaključiće se sa sljedećim najpovoljnijim

ponuđačem. U tom slučaju ponuđač koji je odustao od zaključenja ugovora gubi pravo na uplaćenu kauciju.

8. OBAVEZE KUPCA

8.1. Najpovoljniji ponuđač dužan je avansno uplatiti 80% ukupne vrijednosti ugovora u roku od 7 dana na račun naveden u tački 8.3., a ukoliko to ne učini smatraće se da je odustao od kupovine i gubi pravo na povrat novca od uplaćene kaucije.

8.2. Na cijenu koja je dobijena nakon okončanja postupka licitacije obračunava se PDV (17%), koji ide na teret kupca.

8.3. Uplatu izvršiti na sljedeći način:

- a) Primaoc: Ministarstvo finansija i trezora BiH,
- b) Banka: Unicredit banka.
- c) Transakcijski račun: 5517902220404858,
- d) Svrha uplate: Uplata po osnovu kupovine automobilske furde po Ugovoru broj: _____ za Ministarstvo odbrane BiH,
- e) Poziv na broj: 37111,
- f) Vrsta prihoda: 811114,
- g) Opština: 077.

8.4. Sve poreze i ostale troškove snosi kupac.

8.5. Primopredaja automobilske furde izvršiće se uz predočenje ugovora o kupoprodaji i dokaza o uplati ugovorenog iznosa, a kupac se obavezuje da će ugovorenu uplaćenu količinu preuzeti u roku od 90 dana od dana avansne uplate iz tčke 8.1.

8.6. Kupac je dužan da u mjestu preuzimanja prilikom preuzimanja automobilske furde potpiše zapisnik o preuzetoj količini, a na osnovu odvage/mjernih listova.

8.7. Preuzimanje i transport se vrši namjenskim vozilom uz sve propisane mjere bezbjednosti.

8.8. Nakon preuzimanja avansno uplaćene količine ugovorne strane će izvršiti sravnavanje ugovora u cilju preuzimanja preostalih količina. Zapisnik o preuzetoj količini i mjerni listovi predstavljaju osnov za sravnavanje ugovora.

8.9. Nakon sravnavanja ugovora Kupac će izvršiti avansno plaćanje za ukupnu preostalu nepreuzetu robu, te po dostavljanju dokaza o uplati pristupiti preuzimanju iste od strane Prodavca.

8.10. U slučaju da je kupac preuzeo sve raspoložive količine i izvršio uplatu veću od ukupnih količina, prodavac će izvršiti povrat za utvrđenu razliku novčanih sredstava.

8.11. Kupac je u obavezi da obezbijedi vaganje u mjestu pruzimanja baždarenom vagom za vršenje mjerenja/vaganja automobilske furde, te da obezbijedi utovar i istovar automobilske furde kao i da pokrije sve ostale zavisne troškove.

8.12. Kupac se također obavezuje da na mjestu utovara furde ili u krugu svog poslovanja izvrši sjeću sklopova vozila (šasijske, motora i sl.).

9. DODATNE INFORMACIJE

9.1. Sve informacije u vezi sa javnom prodajom/licitacijom mogu se dobiti svaki radni dan u vremenu od 10 do 12 sati, na broj tel. 033/285-873, kontakt lice major Zoran Gaćeša ili na broj: 033/597-930, kontakt lice kapetan Safet Kurtić.

9.2. Odabranom ponuđaču, kao i ostalim učesnicima postupka prodaje/licitacije čije ponude bude iza prvorangirane, uplaćeni depozit/kaucija u iznosu od 10 % od ukupne vrijednosti, što iznosi 18.908,00 KM, biće uplaćena od strane M FiT, na transakcijski račun koji je dostavio učesnik postupka javne prodaje/licitacije, a na osnovu obavještenja koje će MO BiH dostaviti u roku od 15 dana, nakon okončanja prodaje/licitacije.

Prilozi:

1. Pregled vozila oglašениh za javnu prodaju u vidu automobilske furde,
2. Obrazac za ponudu – fizička lica,
3. Obrazac za ponudu – pravna lica.




MINISTAR
Zukan Helez